

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba za poslove kabineta i mjesne zajednice

Broj: 08/2-04-3390

Bihać, 17.06.2022. godine

Na osnovu člana 183. stav (2) Poslovnika Gradskog vijeća („Službeni glasnik Grada Bihaća“, broj: 3/16 i 4/20), a u vezi sa članom 52. stav (1) tačka b) Statuta Grada Bihaća („Službeni glasnik Grada Bihaća“, broj 13/15 i 13/18), Gradonačelnik Grada Bihaća, u svojstvu predlagača propisa i drugih akata

**O d r e đ u j e**

I z v j e s t i o c a Elmedina Mehadžića, šefa Odsjeka za mjesne i vjerske zajednice, u Službi za poslove kabineta i mjesne zajednice, na sjednici Gradskog vijeća i radnim tijelima po prijedlogu tačke dnevnog reda:

- Prijedlog Odluke o usvajanju Vizije razvoja mjesnih zajednica u Gradu Bihaću.

Po ovlaštenju Gradonačelnika  
Rješenje br. 02/1-30-3257/22 od 10.06.2022.g  
Jasmina Ćoralić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**

Broj: 08/2-04-3390

Bihać, 17.06.2022. godine

***Gradsko vijeće Grada Bihaća***  
***-ovdje-***

PREDMET: Prijedlog Odluke o usvajanju Vizije razvoja mjesnih zajednica u Gradu Bihaću,  
dostavlja se, -

Na osnovu člana 52. Statuta Grada Bihaća („Službeni glasnik Grada Bihaća“ broj: 13/15 i 13/18), i člana 140. Poslovnika Gradskog vijeća Bihać („Službeni glasnik Grada Bihaća“, broj: 3/16 i 4/20), Gradonačelnik Gradskom vijeću dostavlja na razmatranje, radi donošenja, Prijedlog Odluke o usvajanju Vizije razvoja mjesnih zajednica u Gradu Bihaću, uz slijedeće:

**O b r a z l o ž e n j e**

*I Pravni osnov za donošenje*

Pravni osnov za donošenje predložene Odluke o usvajanju Vizije razvoja mjesnih zajednica sadržan je u:

- članu 13. stav (1) tačka e) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona, broj: 8/11) kojim je propisano da je vijeće nadležno za donošenje odluka organizacije mjesne samouprave, odnosno mreži i organizaciji mjesnih zajednica i nazivima ulica, trgova i dijelova naseljenih mjesta

- članu 35. tačka c) Statuta Grada Bihaća („Službeni glasnik Grada Bihaća“, broj: 13/15 i 13/18) kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

## *II Razlozi za donošenje*

Grad Bihać i Razvojni program Ujedinjenih naroda (u daljem tekstu: UNDP) u Bosni i Hercegovini potpisali su dana 01.07.2021. godine br: 01-04-3786 „Pismo sporazuma o implementaciji projekta „Jačanje uloge mjesnih zajednica (MZ) u Bosni i Hercegovini-faza II“.

Radi se o projektu koji finansira Vlada Švicarske i Švedska, a provodi UNDP u BiH u 41-oj jedinici lokalne samouprave, 199 mjesnih zajednica obuhvatajući preko 400.000 građana. Ovo je druga od planirane tri faze projekta.

Opći cilj druge faze projekta jeste unapređenje kvalitete života građana Bosne i Hercegovine kroz osnažene, rodno odgovorne mjesne zajednice koje potpomažu aktivan angažman građana u javnom životu, dok istovremeno predstavljaju primjer rada lokalnih samouprava u čijem fokusu su ljudi i služe kao katalizator za demokratske transformacije na lokalnom nivou.

Nova Vizija mjesnih zajednica je dokument koji je rezultat višemjesečnih istraživanja na terenu u proteklom periodu, a koji je funkcionisanje mjesnih zajednica sažeo u četiri tematska modela.

Prvi model odnosi se na mjesne zajednice sa uspostavljenim mehanizmima zagovaranja i pristupa javnoj upravi. Drugi model odnosi se na mjesne zajednice kao prvi nivo pružanja usluga, treći tretira mjesnu zajednicu kao društveni i kulturni centar, a četvrti kao prostor za učešće građana.

Kako je radi dalje implementacije pomenutog projekta, od strane UNDP-a iskazana je potreba za usvajanjem predložene Vizije razvoja mjesnih zajednica u Gradu Bihaću od strane Gradskog vijeća Bihać, to se ista, u dostavljenom obliku prosljeđuje na razmatranje i usvajanje.

## *IV Finansijska sredstva*

Za prihvatanje i realizaciju predložene inicijative nije potrebno osigurati finansijska sredstva.

Po ovlaštenju Gradonačelnika

Rješenje br. 02/1-30-3257/22 od 10.06.2022.g

Jasmina Ćoralić

Dostavljeno:

- Naslovu
- a/a.

Na osnovu člana 13. stav (1) tačka e) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona, broj: 8/11) i člana 35. tačka c) Statuta Grada Bihaća („Službeni glasnik Grada Bihaća“, broj: 13/15 i 13/18) Gradsko vijeće Bihać na \_\_\_\_\_sjednici, održanoj dana \_\_\_\_\_donijelo je:

## Odluku

o usvajanju Vizije razvoja mjesnih zajednica u Gradu Bihaću

### Član 1.

Ovom Odlukom usvaja se Vizija razvoja mjesnih zajednica u Gradu Bihaću koja se temelji na slijedećim principima:

- a) Reprezentativnosti – kao principa koji podrazumijeva da u izboru organa mjesnih zajednica treba obezbijediti učešće što većeg broja različitih kategorija stanovništva kako bi se postigla njihova proporcionalnost zastupanja i rada, naročito vodeći računa o mladima, ženama i socijalno isključenim kategorijama.
- b) Odgovornosti – kao principa koji podrazumijeva da mjesna zajednica mora biti odgovorna prema svojim građanima, ali i prema lokalnim vlastima. Legitimno izabrani predstavnici mjesnih zajednica trebaju odgovorno vršiti funkcije koje su im dodijeljene.
- c) Inkluzivnosti – kao principa kojim se podstiče uključenost svih građana u rad i aktivnosti mjesnih zajednica, naročito žena, mladih i socijalno isključenih grupa.
- d) Koordinacije – kao principa koji podrazumijeva unapređenje koordinacije, komunikacije i međusobne saradnje između mjesnih zajednica i organa lokalne vlasti kao i između mjesnih zajednica i građana i ostalih aktera od značaja za razvoj mjesne zajednice kao što su organizacije civilnog društva, komunalna preduzeća, lokalne javne institucije, ne ograničavajući se na navedeno.
- e) Transparentnosti – kao principa koji podrazumijeva otvorenost za javnost i dostupnost informacija vezanih za rad mjesnih zajednica uključujući i informacije o načinu i izvorima finansiranja mjesnih zajednica.
- f) Profesionalizacije i osposobljenosti predstavnika mjesnih zajednica – kao principa koji podrazumijeva povećanje nivoa profesionalizacije i osposobljenosti predstavnika mjesnih zajednica kroz kontinuiranu edukaciju i obuku, te osiguravanje prenosa stečenog znanja i iskustava na sve buduće predstavnike mjesnih zajednica.
- g) Nezavisnosti i depolitizacije – kao principa kojim se nastoji omogućiti nezavisno i depolitizovano funkcionisanje mjesnih zajednica, kao predstavnika zajednice i građana i građanki u poslovima zastupanja njihovih interesa kroz nezavisno donošenje odluka u skladu sa zakonom i statutom.

- h) Demokratskog odlučivanja i participativnosti – kao principa koji će osigurati demokratsko pravo na učešće u odlučivanju kao i pravo da građani i građanke imaju pravo da biraju i budu birani na pozicije koje obavljaju u strukturama uspostavljenih tijela mjesne zajednice.

## Član 2.

(1) Vizija razvoja mjesnih zajednica u gradu Bihaću sprovodiće se kroz četiri sljedeća modela mjesnih zajednica:

- a) Mjesna zajednica kao prostor za zagovaranje i pristup upravi;
- b) Mjesna zajednica kao mjesto za pružanje usluga stanovništvu;
- c) Mjesna zajednica kao prostor za učešće građana u odlučivanju;
- d) Mjesna zajednica kao društveni centar.

(2) Vizija razvoja mjesnih zajednica kroz model Mjesna zajednica kao prostor za zagovaranje i pristup upravi sprovodiće se kroz slijedeće identifikovane funkcionalne oblasti:

- a) Sistemsko i institucionalizovano sprovođenje efikasne komunikacije između gradskih organa, gradskih službi i mjesnih zajednica;
- b) Redovno uključivanje mjesnih zajednica u proces izrade i usvajanja programa kapitalnih investicija, budžeta grada, strateških planova razvoja, kao i drugih dokumenata od značaja i interesa za građane u mjesnim zajednicama;
- c) Unapređenje procedura finansiranja mjesnih zajednica, uzimajući u obzir princip ravnopravnog razvoja cjelokupne teritorije grada;
- d) Podizanje svijesti o potrebi većeg učešća žena i mladih u strukturama organa mjesnih zajednica, kao i akcijama koje mjesna zajednica vodi u svrhu osiguravanja kvalitetnijeg života za sve na području mjesne zajednice.

(3) Vizija razvoja mjesnih zajednica kroz model Mjesna zajednica kao mjesto za pružanje usluga stanovništvu sprovodiće se kroz slijedeće identifikovane funkcionalne oblasti:

- a) Određivanje svih usluga koje organi mjesne zajednice mogu da pruže građanima, sa jasno definisanim uslovima pod kojim posebne vrste usluga mogu biti pružene;
- b) Pružanje redovnih i pravovremenih informacija vezanih za usluge i ostale aktivnosti mjesnih zajednica putem svih raspoloživih oblika komunikacije;
- c) Unaprjeđenje i formalizacija saradnje između, javnih preduzeća, nadležnih službi grada i mjesnih zajednica kako bi se unaprijedile odgovarajuće komunalne usluge građanima.

(4) Vizija razvoja mjesnih zajednica kroz model Mjesna zajednica kao društveni centar sprovodiće se kroz slijedeće identifikovane funkcionalne oblasti:

- a) Obezbjedivanje i formalno pravno uređenje korištenja prostorija mjesne zajednice kao društvenog centra, centra kulture i sporta, i uloge volontera u društvenim, sportskim i kulturnim dešavanjima;
- b) Popularizacija sportskih, kulturnih i rekreativnih sadržaja koji se odvijaju u mjesnoj zajednici kao mjestu za okupljanje svih građana;
- c) Podrška saradnji mjesnih zajednica sa udruženjima građana kako bi se poboljšali sadržaji, usluge i aktivnosti u mjesnim zajednicama i na taj način animirali građani za aktivnije učešće u radu mjesnih zajednica.

(5) Vizija razvoja mjesnih zajednica kroz model Mjesna zajednica kao prostor za učešće građana sprovodiće se kroz sledeće identifikovane funkcionalne oblasti:

- a) Promovisanje i upoznavanje građana sa postojećim mehanizmima za učešće građana u donošenju odluka i oblicima građanskog učešća u poslovima mjesne samouprave;
- b) Obezbjedivanje materijalne i administrativno-tehničke podrške organima mjesnih zajednica, kako bi se postigao njihov veći angažman, a posljedično i veće učešće građana u životu i radu mjesne zajednice;
- c) Uspostavljanje učinkovitije komunikacije i većeg stepena informisanosti građana o pitanjima važnim za građansko učešće u donošenju odluka;
- d) Identifikovanje i uvođenje odgovarajućih mehanizama koji će obezbijediti veće učešće mladih i žena u mjesnim zajednicama.

### Član 3.

(1) Zadužuje se Gradonačelnik da u periodu od najkasnije 90 dana od dana usvajanja ove Vizije, putem svojih stručnih službi izradi operativni plan implementacije ove Vizije za period 2023-2025. godina, te isti ažurira svake godine za naredni trogodišnji period.

(2) Operativni plan mora da odredi vremenske rokove za implementaciju svih mjera i aktivnosti koje su identifikovane operativnim planom, neophodna finansijska sredstva, odgovorne službe za njihovu implementaciju, načine mjerenja učinka i nadzora nad implementacijom plana, kao i dinamiku izvještavanja Gradskog vijeća, minimalno na godišnjoj osnovi

(3) Kroz izradu operativnog plana naročito je važno da se osigura identifikacija i uključivanje mjera i aktivnosti koji će rezultirati sa što većim uključivanjem različitih kategorija stanovništva u organe mjesnih zajednica, čime bi se osigurala reprezentativnost i njihova proporcionalnost zastupanja i rada, a naročito vodeći računa o zastupljenosti žena i mladih.

Član 4.

Ova Odluka stupa na snagu osnog dana od dana objave u Službenom glasniku Grada Bihaća.

Predsjedavajući Gradskog vijeća  
Handukić Zulfikar

Broj: \_\_\_\_\_

Bihać, \_\_\_\_\_